

Sessantecinchesin de' classe 1928

(1993)

Ben vignûs a fa gran fieste,
cjârs amîs dal vinçjevôt,
jé ne' cunvigne dute nestre
pa' stà insieme e bevi un gòt.

Par pôlsà di tant in tant,
e fevelasi come amîs,
par cognossi, come e quant,
novitâs di muàrs e vîs.

Duç savìn ch'el timp al passe
e cujét al côr e al vâ,
ma daûr a nò us lasse
simpri alc di ricuardà.

Poesie e Racconti Friulani

Ricuardà ches robis bielîs,
ricuardà ancje i dolôrs
e qualchi gnòt, cjalant lis stelîs,
cun travais e tanç rumôrs.

Ricuardà chei cjars amîs
che tal cîl poiâs son lôr,
e di lassù tal Paradîs
a nûs rindin il nestri amôr.

E cul pinsîr a vâl la pene
meti pâs tal nestri cûr.
Sù il morâl .. di buine lene
e simpri legris dentri e fûr.

Simpri legris e in armonie
e mai piardi il bon umôr,
jé che ricette pe' compagne
par vivi a lunc e vivi miôr.

Poesie e Racconti Friulani

E se il destìn a lè un misteri,
il misteri lassinlu là,
miôr a lé che ognun al speri
ch'el Signor lu judarà.

Ma cumò justìn la fleme
ringrazin ancje il Signôr
a sei ca amîs insieme,
ce furtune e un grant onôr.

Augurinsi duç di cûr
ch'el Signôr nûs dèi dal bèn,
da ogni mâl nûs tegni fâr
par çjatâsi l'àn cal vèn.

(30 Ott 1993)